

Kukiffaajuup eqqissimatitaanera pillugu Namminersornerullutik Oqartussat nalunaarutaat

Pinngortitamik illersuineq pillugu Inatsisartut inatsisaanni nr. 29-mi, 18. december 2003-meersumi § 5, imm. 1 aamma § 60, imm. 2 naapertorlugit aalajangersarneqarput:

§ 1. Nalunaarutip matuma siunertaraa, kukiffaajuup piniarnermut, aallaaniarnermut pisariaqanngitsumillu akornusersorneqarnissaanut illersorneqarnissaa.

§ 2. Kukiffaajooq (Gulo gulo) Kalaallit Nunaanni tamarmi eqqissimatitaavoq.

§ 3. Kukiffaajooq pisariaqanngitsumik akornusersorneqassanngilaq, taamatuttaaq erniorfii sisiilu ajoquserneqassanatik akornusersorneqassanatilluunniit.

§ 4. Kukiffaajuumik Kalaallit Nunaanneersumik taassumaluunniit pisataasa ilaanik nalunaarutip matuma atuutilernerata kingorna pissarsiarineqartumik pigisaqarnissaq inerteqqutaavoq.

§ 5. Pinngortitamiit kukiffaajooq toqungasoq nassataaq piaarnerpaamik Avatangiisinut Pinngortitamullu Pisortaqarfimmut tunniunneqassaaq.

§ 6. Ilisimatuussutsikkut misissuineranut atatillugu imaluunniit nersutaatit imaluunniit tutut nujuitsut ajoquserneqarnerinut atatillugu Avatangiisinut Pinngortitamullu Pisortaqarfik § 2-mi aamma § 3-mi aalajangersakkanik atuutsitsinnginnissamik immikkut akuersissuteqarsinnaavoq.

§ 7. § 3-miit § 5-imut aalajangersakkanik unioqqutitsinerit akiliisitaanermik kinguneqarsinnaapput.

§ 8. Nalunaarut manna 1. november 2004-mi atuutilerpoq.

Namminersornerullutik Oqartussat, ulloq 13. september 2004.

Jens Napātôk

/

Marianne Jensen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut